



REPUBLIKA E KOSOVËS/REPUBLIKA KOSOVA/ REPUBLIC OF KOSOVO

GJYKATA KOMUNALE PËR KUNDËRVAJTJE NË PRISHTINË/ OPŠTINSKI SUD ZA PREKRŠAJE U PRISHTINU/ MUNICIPAL  
MINOR OFFENCES COURT IN PRISHTINA

REPUBLIKA E KOSOVËS/ REPUBLIKA KOSOVA/ REPUBLIC OF KOSOVO AGJENCIA KUNDËR KORRUPSIONIT AGENCIA PËR KOMBICUJE ANTI-CORRUPTION AGENCY	
Nr. Prot.	03-174/2012
Protiç	
Data	
Datum	16.01.2012
Nr. P. 01	
PRISHTINE	

Nr.regj.33956/10

**GJYKATA KOMUNALE PËR KUNDËRVAJTJE NË PRISHTINË**, me gjyqëtar Murat Paçaradën dhe sek.juridik Naim Thaqi duke vendosur në procedurën kundërvajtëse kundër të pandehurës Sara Rexhepi nga Prishtina, për kundërvajtje nga neni 7 .parg.1,e lidhur me nenin 16 parag.1.2 të Ligjit për Deklarimin,Prejardhjen,dhe Kontrollin e Pasurisë dhe Dhuratave të Zyrtarve të Lartë Publik, e në bazë të nenit 73.74.195, dhe 199 të Ligjit mbi kundërvajtjet, me dt.**29.12.2011** merrë këtë,

## A K T V E N D I M

**E PANDEHURA:**Sara Reis Rexhepi e lindur me 29.09.1985 në Prishtinë,ku edhe tani jetonë,e maruar,e gjendjes së mesme ekonomike,ka të krye fakultetin,këshilltare politike në Ministrin e Energjisë dhe Minierave.

## Ë s h t ë p ë r g j e g j e s

Sepse si Këshilltare Politike në Ministrin e Energjisë dhe Minierave në Prishtinë,nuk e ka bërë deklarimin e pasurisë pranë Agjencionit Kundër Korrupsionit në afatin e caktuar ligjor,edhe pse ka qenë i njohtuar se është përfshirë në Listen e Zyrtarve,të cilet janë të obliguar ta deklarojnë pasurinë me rastin e marrjes së funksionit.E njejtja ka qenë e emruar si kshilltare politike e Ministrës së Energjis dhe Minierave nga data 29 prill deri me datën 19 tetor 2010 Me veprim të këtill ka kryer kundërvajtje nga neni 7,parg.1,dhe neni 16 parag.1.2. të Ligjit për Deklarimin,Prejardhjen dhe Kontrollin e Pasurisë,dhe Dhuratave të Zyrtarve të Lartë publik, andaj për këtë:

## D E N O H E T

Me gjobë në të holla në shumë prej **500 (pesqind )** Euro, të cilën gjobë ka për ta paguar në afat prej 15 ditësh, nga dita kur aktvendimi merr formën e prerë. Në dobi të të hyrave Gjyqësore të Kosovës,në Prishtinë në xhir. Rrjedh nr. 1000430070000518.

Nëse gjoben e shqiptur nuk e paguan në afatin e dhënë, e njëjtja do ti zëvendësohet në denim me burgimi në kohëzgjatje prej 30 ditësh duke ju llogaritur 15 EURO në një ditë burgimi.

Shpenzime të procedurës nuk ka pasur.Në emer të paushallit gjyqësor e pandehura është i obliguar të paguaj shumën prej 5 EURO, në afat dhe xhirollogari të njëjtë me gjobën.

Pagesa e gjobes bëhet në të gjitha bankat e qytetit,kurse paushalli gjyqësorë në arkën e gjykatës Nga një kopje të këtij aktvendimi ti dërgohet të pandehurës dhe parashtruesit të kërkesës.

## A r s y e t i m

**Agjencionit Kundër Korrupsionit në Prishtinë**,me kërkesën nr.01-3498/10 të parashtruar gjykatës me datën 26.10.2010 për inicimin e procedurës kundërvajtëse kundër të pandehurës të përmendur me lartë, për kundërvajtjen e përshkruar si në dispozitiv të këtij aktvendimi.

Gjykata duke vepruar sipas kërkesës, ka zhvilluar procedurën kundërvajtëse dhe në seance verbale ka ndërgjuar të pandehurën i cili në mbrojtjen e vet deklaroi: Eshtë e vertet se nuk e kam bërë deklarimin e pasurisë pranë Agjencionit Antikorrupsion,nga se në cilësinë e Këshilltarës së Ministresë për Energji dhe Miniera kam punuar nga qershori deri në nëntor 2010,shtoj se mua askush nuk më ka lajmruar dhe njohtuar se unë jam e obliguar që ta deklaroj pasurinë.prandaj në cilësinë e deshmitarit propozoj Sekretarin permanent **Hakif Jasharin**.

Gjykatësi i çështjes së marrëzimit Halim Beqiri, sekretar për marrëzime në MEM, në deklaratën e tij thekson se përgjegjësi më e madhe dhe materiale deklaroi se Sara Rexhepi në cilësinë e këshilltarës politike të Ministres Justina Shiroka-Pula, ka qenë e njohtuar nga Florina Meha -Kosumi se është e obliguar që ta bëjë deklarinimin e pasurisë, prandaj nuk qendroja thekset se e njëjta nuk ka qenë e njohtuar.

Gjykata ftojë edhe Florina Mehaj Kosumi-Udhëheqse e divizionit të administrates dhe personelit pranë MZHE, në Prishtinë e cila lidhur me këtë çështje deklaron se nuk është e vertet se Sara Rexhepi nuk ka qenë e njohtuar se duhet ta bëjë deklarinimin e pasurisë pranë Agjencionit Antikorrupsion, sepse nga emërimi i saj si këshilltare politike e Ministres Justina Pula-Shiroka, e njëjta ka qenë e njohtuar. Si prova ja paraqesë gjykatës shkresën ku shifet se Sara Rexhepi e ka krye këtë funksion nga data 28 prill 2010 e gjer me 19 tetor 2010.

Gjykatësi pas vlersimit të mbrojtjes së të pandehurës, deklaratës së deshmitarëve, dhe provave të paraqitura nga institucioni përkatës, si dhe shkresave tjera të lëndës, erdhi në përfundim se e pandehura e ka kryer kundërvajtjen e cila e ngarkon, dhe se duhet të përgjigjet për kundërvajtjen të cilën e ka bërë. Me rastin shqiptimit dhe caktimit të lartësisë së gjobës gjyqtari vlersoj të gjitha rrethanat nga neni 7 i LMK-së nën të cilat është krye kundërvajtja, dhe të pandehurës ia shqiptoj kë lloj gjobe duke llogaritur se edhe me këtë lloj denimi do të arrihet efekti i sanksionimit, duke llogaritur që e pandehuar në të ardhmen të mos kryej kundërvajtje të këtilla ose të ngjajshme

Konform nenit 109 al.2 të LMK-së caktohen shpenzimet e procedurës kundërvajtëse.  
Me sa u tha me lartë u vendos si në dispozitiv të këtij aktvendimi.

**KËSHILLA JURIDIKE:** Kundër këtij aktvendimi mund të parashtrohet ankesë Gjykatës së Lartë për kundërvajtje në Prishtinë në afat prej 8 ditë që nga dita e marrjes së aktvendimit e nëpërmes kësaj Gjykate.

**VENDOSI GJYKATA KOMUNALE PËR KUNDËRVAJTJE NË PRISHTINË.**

Gjyqtari  
Murat Paçarada

